

Gjykata Themelore në Prizren – Departamenti i Përgjithshëm, gjyqtarja Teuta Krusha, me pjesëmarrjen e praktikantes së gjykatës Fjolla Pasuli procesmbajtëse, në lëndën penale kundër të akuzuarit M. M. nga Prizreni, për shkak të veprës penale lëndimi i lehtë trupor nga neni 188 par.1 nën par.1.4 të KPK, sipas aktakuzës së Prokurorisë Themelore në Prizren – Departamenti i Përgjithshëm nën numrin PP/II.nr. /2015 të datës 19.01.2016 pas mbajtjes së shqyrtimit fillestar në praninë e prokurorit të shtetit Zejnulla Gashi dhe të akuzuarit, me datë 11.11.2016 publikisht morri dhe shpalli këtë:

AKTGJYKIM

Akuzuari:

M. M. MUŠTAKU, nga i ati M. M. dhe e ëma F. M. e lindur H. M., i lindur me datë 14.12.1968 në Prizren ku edhe tani jeton rruga “Zërrë” nr.65, ka të kryer shkollën e mesme, kasap, i martuar baba i tre fëmijëve, shqiptar, shtetas i Republikës së Kosovës, i gjendjes së varfër ekonomike.

ËSHTË FAJTOR

Se me datë 27.08.2015 rreth orës 21:00, në Prizren rrugën “Zërrë”, i shkakton lëndime trupore dhe përkohësisht ia dëmton shëndetin e dëmtuarve K. B. dhe A. B. në atë mënyrë që të dëmtuarit derisa ishin duke shëtitur i bie telefoni të njëjtit kthehen për ta kërkuar, takojnë një grup të vajzave të cilat e njoftojnë se telefonin ia kanë dhënë disa komshiye, pastaj vjen i akuzuari fillimisht e largon të dëmtuarit nga aty e pastaj i sulmon me grushte kështu tek i dëmtuari A. B. i shkakton dhe atë ndrydhje me mavijosje në kokë, për rreth orbitave të syve dhe në fytyrë, ndërsa të dëmtuarit K. B. dhe A. B. plagë shqyeselë ndrydhëse në regjionin ballor të kokës, të cilat lëndime kanë karakterin e lëndimit të lehtë trupor, me pasoja të përkohshme për shëndet.

Këso dore kryen veprën penale lëndimi i lehtë trupor nga neni 188 par.1 nën par.1.4 të KPK.

Andaj gjykata në kuptim të nenit 7, 41, 49, 50, 51, 73 dhe nenit 188 par.1 nën par.1.4 të KPK të akuzuarit ia shqipton:

DËNIM ME KUSHT

Vërtetohet dënimin me burgim në kohëzgjatje prej 3 (tre) muajve, i cili dënim nuk do të ekzekutohet në afat prej 1 (një) viti, nga dita e plotfuqishmërisë së këtij aktgjykimi, nëse i akuzuari nuk kryen vepër të re penale.

Të dëmtuarit K. B. dhe A. B. nga Prizreni rruga “Zërrë” nr.65 dhe A. B. nga Prizreni rruga “Zërrë” pa nr., për realizimin e kërkesës pasurore juridike udhëzohen në kontest të rregullt civil.

Obligohet i akuzuari që ti paguaj të gjitha shpenzimet e procedurës penale sipas llogarisë së gjykatës, në emër të ekspertizës për ekspertin e mjekësisë ligjore shumë prej 20 €, ndërsa në

emër të paushallit, gjyqësor të paguaj shumën prej 20 €, në afat prej 15 (pesëmbëdhjetë) ditëve nga dita e plotfuqishmërisë së këtij aktgjykimi, nën kërcënim të ekzekutimit të dhunshëm.

A r s y e t i m

Prokuroria Themelore në Prizren – Departamenti i Përgjithshëm, ka parashtruar aktakuzë nën numrin PP/II.nr. /2015 të datës 19.01.2016, kundër të akuzuarit M. M. nga Prizreni, për shkak të veprës penale lëndimi i lehtë trupor nga neni 188 par.1 nën par.1.4 të KPK.

Gjykata në shqyrtimin fillestar ka vërtetuar këtë gjendje faktike.

Se me datë 27.08.2015 rreth orës 21:00, në Prizren rrugën “ ”, i akuzuari M. M. për shkak të një mosmarrëveshje me të dëmtuarit i shkakton lëndime trupore dhe përkohësisht ua dëmton shëndetin e dëmtuarve K. B. dhe A. B. i akuzuari fillimisht e largon të dëmtuarit nga aty e pastaj i sulmon me grushte kështu tek i dëmtuari A. B. i shkakton dhe atë ndrydhje me mavijosje në kokë, për rreth orbitave të syve dhe në fytyrë, ndërsa të dëmtuarit K. B. dhe atë: plagë shqyese e ndrydhëse në regjionin ballor të kokës, të cilat lëndime kanë karakterin e lëndimit të lehtë trupor, me pasoja të përkohshme për shëndet.

I akuzuari gjatë shqyrtimit fillestar ka deklaruar se e pranon fajësinë për veprën penale e cila i vihet në barrë sipas aktakuzës së prokurorit të shtetit. Gjykata gjendjen e këtillë faktike e ka vërtetuar nga provat të cilat gjenden në shkresat e lëndës dhe nga pranimi vullnetar i fajësisë nga ana e akuzuarit. Gjykata sipas detyrës zyrtare pas shikimit të shkresave të lëndës dhe provave materiale në të cilat është mbështetur aktakuza e prokurorit të shtetit nuk gjeti se ekziston ndonjë provë e pa pranueshme, gjithashtu në tërësi është vërtetuar se i akuzuari ka kuptuar natyrën dhe pasojat e pranimi të fajit për veprën penale e cila i vihet në barrë e që pranimi i fajit është bërë në mënyrë vullnetare dhe pa kushtëzim dhe mbështete në fakte dhe prova materiale siç janë: ekspertiza e ekspertit mjeko ligjor me numër të referencës PZ-1 / 2015 të datës 22.12.2015.

Me rastin e marrjes së dënimit ndaj të akuzuarit gjykata vlerësoj të gjitha rrethanat në kuptim të dispozitave të nenit 73 të KPK të cilët ndikojnë në zgjedhjen e llojit dhe lartësisë së dënimit, duke mos e gjetur rrethana rënduese, si rrethanë lehtësuese është marrë pranimi i fajësisë nga ana e akuzuarit, gjendja e varfër ekonomike, andaj gjykata i shqiptoi dënimin me kusht sepse konsideron se me kërcënim të dënimit do të arrihet qëllimi i dënimit, prandaj i shqipton dënimin me burgim në kohëzgjatje prej 3 (tre) muajve i cili dënim nuk do të ekzekutohet nëse në afat prej 1 (një) viti, nuk kryen vepër të re penale, duke menduar se dënimi i shqiptuar i përgjigjet shkallës së përgjegjësisë së tij dhe se me këtë dënim do të arrihet qëllimi i dënimit që në të ardhmen të përmbahet nga veprimet e tilla.

Vendimi mbi udhëzimin e dëmtuarit në kontest të rregullt civil për realizimin e kërkesës pasurore juridike, është marrë konform nenit 463 par.1 e 2 të Kodit të Procedurës Penale të Republikës së Kosovës.

Vendimi mbi shpenzimet e procedurës penale është marrë në kuptim të nenit 453 par.4 të Kodit të Procedurës Penale të Republikës së Kosovës.

Nga të cekurat më lartë u vendos si në shqiptim të këtij aktgjykimi.

GJYKATA THEMELORE NË PRIZREN

P.nr.101/2016 të datës 11.11.2016

**Praktikantja
Fjolla Pasuli**

**Gjyqtarja
Teuta Krusha**



UDHËZIME JURIDIKE: Kundër këtij aktgjykimi pala e pakënaqur ka të drejtë ankese në afat prej 15 ditëve, Gjykatës së Apelit në Prishtinë, nëpërmjet të kësaj gjykate.